


BREVE
MEMORIALE

Extractum ex prolixiore

DE

Statu ac progressu JANSENISMI

in HOLLANDIA,



1697 7. 9. 61

Jansenismus

B R E V E M E M O R I A L E

Extractum ex prolixiore

DE

Statu ac progressu JANSENISMI in Hollandia.

ADMONITIO ad LECTOREM.



Nnus est, Catholice Lector, quod scriptum, typis excusum gallicis, in lucem publicam prodierit, sub hac inscriptione: *Memorial contenant I. une deduction sommaire &c. II. une réponse succinte &c.* Quid prius mirer aut potius? Ingenium compilatorum, eruditionem, facundiam, an calliditatem in causa adornanda, vafriciem, artemque fallendi singularem? Et quidem eruditioni, (qualis tere singulis sese paginis prodit) linguæ si adlideris lenocinium, haud mirum est, si pectora tantillum mulceat apud eruditos, oculisque illudat in phaleras rei, ornatum, habitumque exteriorem magis non raro, quam in rem ipsam intentis.

Auctores (quod colligitur indicibus huiusmodi incertis) numero plures sunt: &, vel famosi apud Lovanienles magistri, vel in scholis lovanienfibus, recentiore earundem doctrinâ, apud famolos magistros imbuti, virique in factionem Jansenianam jurati. Scopum illi, nescio, an alium sibi præstitutum habeant, quam Jansenii, carissimi sibi capitis, cineribus parentare. Et certe Jansenium nusquam, aut doctrinam Jansenii, a sede Apostolica iteratius damnatam, à se amoliri satagunt, sed invitosum dumtaxat ac suspectum Jansenii nomen; quali eos non pigeat Jansenistas esse, pigeat dumtaxat Jansenistas audire.

Ipsum Memoriale simul ac luci publicæ expositum est, habuit, qui ei obloquerentur, ac scriptis refoilerent; unde nolim illud modò confutare, ne aut actum agam, aut falcem mittam in messem alienam, Suffecerit si, occasione illius, depromam Memoriale alterum, de statu nempe ac progressu Jansenismi in Hollandia; breve quidem, sed

ex

ex prolixiore, eoque suis causæ firmamentis munito, tabulisque originalibus reborato, extractum. Quod & visum fuit eò magis opportunitum, si non omninò necessarium; quia non pauci hoc tempore ex Ecclesiasticis Hollandiæ (sparsis per plebem eum in finem popularibus libellis) in id unum incumbunt, ut, si reipsa non persuadeant, persuadere videantur, totum quod hætenus per Belgium de Jansenismo fama circumtulit, nihil esse, præter insulsam fabulam, jam ante multos annos exufflatam: nugas esse, somnia, vanaque hominum sua quærentium terribulamenta, ipsum Jansenismi nomen.

Sed litigare nolum, sintne an lecus, qui rectè Jansenistæ compelluntur; id aulim affirmare, & affirmo, esse in Belgio, atque in fœderatis Belgii provinciis plures esse, qui & Jansenio addictiores sunt, & doctrinæ Jansenianæ, quâ in libro ejus, dicto: *Augustinus*, quâ in quinque illius damnatis propositionibus contentæ, ex toto Sectatores. Atque id ipsum vel hoc uno (evidenti utique ac palmari) argumento demonstratur; quia nemo unus eorum hætenus (quidquid rogatus, quidquid postulatus, vel, zelo subindè tantisper excedente, provocatus) discrimen qualecunque, se inter & Jansenium: suam inter & Jansenii doctrinam, expromere conatus est. Quando (quod fit) Calvinistæ audiunt ob doctrinæ concordiam, atrocem id injuriam rati, eam faceiunt à se illicò, discrimine allato vel tenui, quo a Calvinio dissideant. Injuriam sese, nescio, an non atrociore, queruntur proficissos, dum dicuntur Jansenistæ, sed discriminis, quo à Jansenio dissideant, proferunt nihil, nihil huc usque proferre nisi sunt. An non & hoc ipso postulati discriminis defectu, summam cum Jansenio in doctrina concordiam, incommatque cum illo contensionem prodant?

Quid? Jansenismum & in Belgio grassari latè, & in fœderatis eum Belgii provinciis, etiam supra modum, invaluisse, notius est, quam ut à quoquam meritò negari, aut in dubium vocari queat. Certe id & reformatam, & Catholicam religionem proficientibus notissimum. Et illi quidem, velut de Romanorum ad se accessu, suis in templis, publicas laudes, publicas Deo dedere gratias: hi Romam, ad S: Congregationem, afflictæ protectricem Ecclesiæ, suas continuo querelas derulère. Et quia istic vix aut ne vix quidem creli potuit, statum rei Catholicæ, in provinciis hîc adeò esse periculosum, eoque periculosiorem, quò Roma ab illis remotior, res successum quem sperabamus, optabamusque, necdum nacta est. Suasit ergò chari-

tas, necessitas compulit ad breve hoc, sed fidum, Memoriale recurrere; arque quo res Catholica h. ce in paribus statu sit; quis status ipsius mali. quis in eo progressus, oculis subicere, eorum vel maxime quorum est, ex suo quo funguntur munere, laboranti Ecclesie subvenire.

Hæc nos interea spe lætābimur, fore aliquando, ut viri præstantiores, zeloque ardentiores, (ii præsertim, qui haud ita pridem pro incunda pace in Hollandiam confluxere) de re suis velut oculis hausta persuasi, communem orbis catholici patrem, romanum pontificem (qui solus impedit potest, ne quod in provinciis nostris restat triticum orthodoxæ fidei, succrescentibus zizanitis suffocetur) informati sint, quò tandem, nuper enascenti, gliscenti indies, latèque nunc grassanti malo, remedium, quod & opportunius & efficacius vilum fuerit, adhibeatur.

§. I.

In quo præcipue consistat error, qui Jansenismus vocatur?

Exteriori formæ virtus interior atque pietas non semper conjuncta est. Quin & vitium virtuti oppositum ejusdem simulatione non raro contegitur. Ac quidem novellis sectis proprium ex more est sub vestitu prodire ovinæ pellis: piè, sanctèque loqui, & interim dogmata impia sensim sine sensu instillare, atque animas iis abripere in exitium. Ita æternæ veritatis oraculum Matth: 7. *Attendite à falsis prophetis, qui veniunt ad vos in vestimentis ovium, intrinsecus autem sunt lupi rapaces.*

Hi omnes, quibus indoles hominum, de quibus nunc Testimonem instituo, nota non est, nisi per speciem quandam exteriorem, modestiæ, probitatis, pietatis, ethicæ etiam rigidioris, præcipue si speciei illi adjungantur, & protestationes, quibus Ecclesiam Romanam, matrem suam: & submissiones, quibus se illius filios præsentent, ægrè admodum sibi persuadebunt, Ecclesie Catholice magnopere ab iis timendam esse. At si considerent, latentem in impietate speciem virtutis non raro obregi, facile in animum induxerint, priusquam ab iis periculi Ecclesie imminere; jactilque perversorum dogmatum seminibus, quibus ipsa fidei fundamenta lubruuntur, fidei denique universæ ruinam exspectandam esse.

Neque nobis immorandum est multum discutiendis virtutibus, veræ eæ sint an falsæ? sed ab ipsa comprimis incipiendum est doctrina, quæ
ab iis

ab his traditur passim, palamque defenditur, ac multis, plebi præsertim imperitiori, inculcatur. Nec discutiendum pressius, quid præcisè docuerit Jansenius: & an liber illius quinque damnatas illius propositiones in sensu earundem hæretico contineat? Definivit id pridem se res Apostolica: suffecerit omnino, si, quæ in pænctis quibusdam particularibus, sed & fundamentalibus, doctrina eorum sit, & quibus ex limitibus adstringatur, expendimus, definienti interea Ecclesiæ & de doctrina Janseii, & de sensu illius hæretico, securè tutòque acquiescentes.

Viri in Belgio illibare orthodoxi, & qui doctrinam Ecclesiasticorum in Hollandia, probe norunt eam quam tradi coram vident quotidie, conluerunt, usu ipso edocti, doctrinam illam universam, revocandam esse ad duo præcepta capita. 1. *Deum non velle salvos omnes homines.* 2. *Christum, non pro omnium hominum salute esse mortuum.* Sive: *Deum non velle salvos, nisi solos prædestinatos.* Et: *Christum, pro solorum prædestinatorum salute, esse mortuum.* Mirum dictum est, quibus illi hic urantur artibus, quæ a libeant pigmenta; ut nempe vi erit possint, quæ docent, non docere: & docere, quæ non docent. Textus Apostoli 1. Tim. 2. *Qui vult omnes homines salvos fieri*, si quis alius in S. Scriptura, clarus est ac limpius; illi verò non unam illius, alteramque expositionem comminiscuntur, sed expositiones accingunt, addentantque, unde textus ille, ad sensatis in eam expositionibus, velut injecta nube, obscurus redditur, hæc quidem in illi consilio, ut doceant repta Deum non velle salvos omnes homines: non velle salvos, nisi solos prædestinatos, & à sensu tamen Apostoli nihil recedere, ad idque & cum ipso, omnes velle salvos, docere videntur. Octo omnino expositiones suppetiunt apud Ebstium, in textum illum, *Qui vult omnes homines salvos fieri*, commentantem.

Sed artificium eorum prius singulare est, ac formas illi se vertunt in omnes, circa mortem à Christo obitum. Edicunt rotundè: Christum mortuum esse pro omnibus: mortuum, non pro solis prædestinatis, sed etiam pro reprobis. Quid velimus plura? Sed haud acquiescendum. Si inilemus, & urgeamus; quo sensu mortuum dicant pro omnibus Christum: mortuum, non pro solis prædestinatis, sed etiam reprobis? auint; quia mortuus pro natura omnibus communi, pro omni genere, natione, statu, sexu, ætate, conditione: pro aliquibus ex omni tempore: quia pretium, quod dedit, abunde sufficiens pro omnibus. si pro omnibus fuisset obitum: quia etiam reprobis quibusdam dona quædam temporalia fidei, spei, caritatis &c. morte

sua promeritus est. Sed eadem omnia commentus erat Jansenius, ut invidiam à doctrina sua amoliretur. Si verò urgeamus ulterius; sic neita pro omnibus, etiam pro reprobis, mortuus Christus, ut pro salute vel unius reprobi, id est, hominis pereuntis, mortuus sit? Harebit unda; quid? negabunt, pernegabunt: præter fucos, quos faciunt imperitis, nihil ex iis elicueris: nunquam id clarè elocuturi sunt. Quid ni? ipsum, intimumque doctrinæ eorum fundamentum est: *Christum pro salute dumtaxat prædestinatorum mortuum esse*, cæu quos solos Deus salvos vult. Et huius doctrinæ conlectarium est, neutequam ab eo separabile, certum infallibiliter esse neminem, Christum pro salute sua, ut nempè salvari queat, esse mortuum.

Quis ignorat mortalium, quin, quod nos facit Christianos, sit certitudo illa infallibilis, quam quisque habet, quod **JESUS CHRISTUS** mortuus sit pro salute sua, & pretio sui sanguinis, gratias sibi promeruerit omnes, quæ necessariæ sunt, ut & evitare peccata, virtutes exercere, & salutem reipæ consequi possit? In hoc cardine versatur ipsa fides, & spes omnis Christiana. Inde in hominè amor enascitur, quo feratur in Christum, dicatque cum Apostolo Gal. 2. *Qui dilexit me, & tradidit semet ipsum pro me.* Quomodo enim amare possum illum, si verè dubitem, sumne ego ex numero eorum, quos amavit unquam? Quomodo eum agnoscere servatorem, si ignorem, sit ne verè servator meus? Si ignorem, unquam ne pro salute mea preces fuderit, pro iisque apud patrem intercesserit, quæ necessaria mihi erant, ut salutem consequerer, aut consequi possem?

Certè tantum abest, ut hæc mortis Christi pro Salute mea incertitudo, amorem meum provoker, incendatque, ut vel inde voluntas mea spem inter & metum, odium inter & amorem fluctuet. Quid enim si **JESUS CHRISTUS**, summo, imò unico bono, propter quod creatus eram, me excluderet, nihilque agere decreverit, quo ab inferno eximerer, neque meliorem de me, quam de dæmonum, salute voluntatem habuerit? Tantum rursus abest, ut eum benefactorem meum profitear, ut vel inde beneficentiam Dei in me omnem suspectam habens, in gravissimos incidam melancholiæ affectus, aut in desperationis barathrum adigar. Neque defuere, qui ex hoc indeclinabilem pereundi necessitatem, (quasi fatum quoddam ineluctabile, capiti suo impendens) suæ continuo phantasiæ objicientes, nec a se abjicere valentes, succubuerè tandem: atque ex desperatione in furorem acti, ultroneam mortem, suis sibi manibus, consciverunt. Entibi,

quis

quis status Christiani hominis, ex eo confurgat, si JESUS CHRISTUS pro salute solorum prædestinatorum, & non pro salute omnium hominum, mortuus sit. Manifestum igitur est dogmate hoc uno, fundamentum everti religionis universæ. Hæc sola incertitudo, *verne Christus mortuus pro salute mea?* Ipse omnem Christianam radicem evellit, & omnes universam virtutes pessumdat theologicas.

Hæc incertitudo, *verne Christus mortuus pro salute mea?* Liberrimos, aliosque quoscunque vivendi licentiam sibi indulgentes, in has, similesque querelas, ac murmura adigit. Si libertatem vitæ nobis concedamus: Si peccata committamus. cur redarguimur, cum non peccare, omnino non potuimus? Quid de transgressa lege plectimur; quid inde damnationis æternæ rei dicimur, si ad legem implendam auxilia defuerint necessaria, ceu quæ Christus morte sua committeri nobis noluerit?

Hæc incertitudo, *verne Christus mortuus pro salute mea?* Deum cæterâ benignissimum, rigidiorē facit, quam sit ullus rex, turca, aut barbarus in populum suum, cum sic in homine eas actiones æterno cruciatu punire decernat, quas evitare, absque gratiæ negata auxilio, tam ei fuit impossibile, quam avi impossibile est volare absque alis. Dicere, hanc impossibilitatem hominis ex Adami peccato provenire, nihil aliud est, quam novum crudelitatis genus Deo benignissimo attribuire; quasi is judici illi non absimilis foret, qui cum reum ferreis innodârit catenis, vel crura ei infringi imperârit, illum nihilominus in pedes se erigere, & procurrare juberet, ni faciat, igni eum ob inobedientiam addicturus.

Hæc tuobus præcipuis doctrinæ capitibus, de Deo, videlicet non omnes homines, sed solos prædestinatos salvos volente; & de Christo, non pro salute omnium hominum, sed solorum prædestinatorum moriente, doctrinam suam de gratia accomodant; doctrinam utique mysteriorum plenam, & quam nemo conciliaverit cum libertati humani arbitrii, nisi qui, jam inde à nativitate primùm Theologis recepta, hanc à consentientibus inter se patribus, hæreticis etiam libertatis definitione proscriptâ, etiam proceuderit, quæ in *vi electivæ* sita sit, ac voluntarium non excedat.

Hæc doctrinam eorum de gratia compendio dictam: Adam, aient, uno vitæ arboris gustu corrui de posse non peccare, in non posse non peccare, prædominante concupiscentia terrena, trahente ad peccatum, nisi abster gratiæ major & victrix cælestis delectationis, quæ necessitatem indu-

inducat rectè operandi. In statu naturæ lapsæ non datur in nobis libertas contra fictionem, sive in differentiam proximam, quâ, positis omnibus ad æquidum prærequisitis, voluntas posset agere, & non agere in sensu compositionis eorundem prærequisitorum. Potentia libera essentialiter, libertate sufficiente ad meritum, & demeritum, est voluntas conjuncta cum judicio rationis. In statu naturæ lapsæ ad peccatum formale, & demeritum sufficit illa libertas, quâ voluntarium ac liberum fuit in causa, peccato originali, & libertate Adami peccantis. Subtrahit quandoque Deus, etiam sanctis ac fidelibus suis, auxilia ad custodiendam justitiam necessaria. Nec tantum gratia agendi, sed & gratia seu auxilium proximè sufficiens ad orandum, quibusdam etiam juvis, justè denegatur: imò orare non possumus, nisi Deus operetur & velle. Nulla datur in homine lapsæ gratia proximè & completè sufficiens, quæ non sit efficax. Sine gratia efficaci nunquam habetur completum posse, ab actu separatum. Per efficaciam gratiæ non amittitur libertas, quia voluntas à Deo, per gratiam ad actum mota, est voluntas: & ubi voluntas, ibi libertas &c. Quot verba, tot mysteria. Verbo dicam: gratiam, quæ à Deo datur in ordine ad salutem, non admittunt, non agnoscunt aliam, nisi victricem: id est, non aliam, nisi quæ sit singularis & efficax: quæ cor movet, & in anima operatur, irresistibili virtute, ut effectus universus, ad quem data est, certò semper subsequatur, nec posset non sequi: quæ dominatur super hominis voluntatem invincibili imperio, eam & operi applicando & consensum ipsum efficiendo; idque per vim quandam ipsi gratiæ intrinsicam, nunquam vel ab humana infirmitate, vel à repugnante concupiscentia impediendam. Hanc gratiam attribuunt omnibus illis, scilicet illis, quos Deus salvos vult; ac per consequens, quos ad salutem prædestinat; in cæteris verò non agnoscunt nisi voluntatem nudam atque inermem, sine omni gratia ad salutem sufficiente. Unde primi, gratiæ sibi à Deo datæ beneficio, invictè salvantur: alii, defectu gratiæ, ineluctabiliter, pereunt: & peritio hominis (si loquamur à lapsu Adæ) Deo magis nullam pereunt ad salutem gratiam largienti, ascribenda est, (quæ horrenda sine atroxque blasphemia est) quam ignaviae ac culpæ hominis, gratiam cui coopereretur, quæ & exitium deviret, non habentis. Quomodo ergò Deus Oie: 13. *Perditio sua Israel: in me tantummodò auxilium invenit?*

Origo Jansenismi in Hollandia.

Jansenismus, dudum diuque clam in Hollandia conceptus, exortus denique in ea est, palamque prodivit anno præter propter 1684, sub Illustrissimo Domino Joanne Neercasselio, Episcopo Castoriensi, per Belgium fœderatum eò temporis Vicario Apostolico, quando famosus D. Antonius Arnaldus, ob Jansenii defensionem, & dogmatum, quæ tenebat, pertinaciam, è Sorionâ pulsus, Galliâ demum totâ excesserat, veritus regio edicto comprehendi, ob frequentissima, quæ in ejus ædibus instituebantur, conventicula. Contigere hæc sub annum hujus sæculi octogesimum. Atque in Belgio Catholico aliquamdiu oberrans Arnaldus tandem securam refugii sedem in Hollandia quæsit, & invenit.

Predictus Illustrissimus, qui Arnaldum eo usque non nisi è longinquo salutaverat, eum à se vel accitum vel ultro venientem, percarè excepit, tanquam hominem à Deo missum, eumque Delphis in Begginagiò subsidere fecit. Hoc in asylo dilituit Arnaldus ad annum circiter octogesimum quartum, nulli hominum, præterquam Apostolico Vicario, non nullisque aliis è clero seculari præcipuis, secretorum Castoriensis ex toto consciis, notus. Hoc nunc in loco & Arnaldus animum Illustrissimi Castoriensis regebat plenissimè, & Illustrissimus Castoriensis nihil curabat magis, quam ut Arnaldo provideret discipulis Theologis junioribus, atque iis præsertim quos tanto magistro dignos censebat & qui dignioribus in missione stationibus videbantur aliquando admovendi. Hos igitur erudiendos suscepit Arnaldus, suisque illos novæ Theologiæ mysteriis ad unguem imbuir, quod ipsi eo facilius fuit, quia illi Lovanii, sub famosis de Jansenismo magistris, imbuti, principia nova Theologiæ jam pænè hauserant.

Inter illos, qui Arnaldum frequentabant, illique erant assidui, fuere Petrus Codde, modo Archiepiscopus Schaectenus & Illustrissimi Castoriensis in vicariatu Apostolico successor. D: Hugo Franciscus van Huyssen, modo provicarius ultrajectinus, & inter ast-flores Sebsteni primus. D. Joannes Christianus van Erkel, modo à secretis copisti ultrajectini, aliisque à Sebasteno dignitatibus auctus, & nuperrimè archipresbyteratu Deislandiæ. D: Nicolaus Erkelus, Christiani patru-

us, etiam assessor Sebasteni, auditus est dicere de nepote suo Christiano, plus eum Theologiæ unicâ hyeme, doctore Arnaldo addidicisse Delphis, quam sibi annis omnino quatuor Lovanii procurarat. D: Joannes Roos, vir etiam in missione primarius olim Illustrissimi Castorienſis, nunc Illustrissimi Sebasteni assessor, de Arnaldo altum sentiens, compellarat eum Galliz phœnicem. Ita in præfatione libelli à se editi de SS: Sacrificio Missæ 1672. Sic nempe Juventus à longe alliciebatur ad Arnaldi disciplinam, primus namque discendi ardor nobilitas magistri est.

§. 3.

Conciones habitæ ab Ecclesiasticis Hollandiæ iam inde ab annis duodecim.

Rotterdam, per celebre Hollandiæ emporium, velut Theatrum fuit, in quo primum, sublatis sipariis, Scenâ peracta est. Erat ibi Sacerdos quidam sæcularis nomine Andreas vander SchuurST, facellanus tum temporis in uno oratoriorum Catholicorum, cui nomen Paradisus, qui postmodum ab Illustrissimo Castorienſi, in pastoris subsidium missus est Cuylenburgum & deinde ab Illustrissimo Sebasteno admotus pastoratui Viannensi circà ultrajectum. Sumplerat ille pro Instituto scopoque concionum à se dicendarum, durante quadagesimâ, quo tempore homines majore numero ex omnibus promiscuè communitatibus ad conciones confluunt, dogma tractare prædestinationis divinx, justificationis, & gratiæ; & licet hæc materia, (quam Catholici Doctores semper judcarunt non nisi magna circumspectione, cautè, sobrieque tractandam esse) à multitudine, vel non capienda foret; vel, si caperetur, ad solidam pietatem, morumque emendationem haud magnopere foret conductura, atque etiam non nisi noxias commotiones paritura, perrexit tamen Andreas, scopumque suum implere studuit; non quidem suapte id ingenio; sed, (si fidem hominibus probæ notæ & famæ denegare nolumus) provinciam hanc illi, præ cæteris audaculo, demandarat Illustrissimus Castorienſis, approbante præsertim capitulo (ut vocant) ultrajectino, in vora Castorienſis, præ capitulo harlemenſi prioriore. Hinc ille audax ipsé, tantis nunc approbatoribus fretus, pluribus ante quadagesimam septimanis plebem admoovit, invitans quoslibet, ut concionibus, Sacro illo tempore, de prædicta, caprumque multitudinis superante materia, à se dicendis, avidè interessent.

Jam

Jam autem omnibus illis concionibus, omni qua poterat eloquentia nitebatur ostendere præcipue, quod Deus à Lapſu Adæ, ſeriam voluntatem non habuerit ſalvandi omnes homines: & quod JESUS CHRISTUS nunquam habuerit voluntatem ſua morte redimendi omnes homines, aut obrinendi iis gratias & auxilia, per quæ ſalvari poſſent. Auditus eſt enim in terminis poenæ, nedum in ſubſtantia, hæc puncta affirmare.

I. Quod Deus nulla ratione voluerit, ut vel Cain, vel Pharaö, vel Judas, vel ullus eorum, quibus Evangelium revelatum non fuit, Salvaretur.

II. Quod JESUS CHRISTUS nullo modo Sanguinem ſuum fuderit pro ſalute omnium hominum.

III. Quod hæc ex cathedra dicendo, nihil aliud proponeret, quam quod Romæ in ipſius etiam pontificis conſpectu, doceretur.

IV. Quod agendæ Deo ſint Gratia, quod ad eandem doctrinam in hac materia tam qui Catholicæ, quam qui reformatæ fidei ſunt, ſenſim accederent.

V. Quod auxilium gratiæ, datum Adamo, in eo differret ab auxilio gratiæ in ſtatu noſtro, quod cooperatio, ipſius arbitrio relicta eſſet, noſtro autem minimè relicta ſit.

VI. Quod nihilominus auxilium gratiæ in ſtatu noſtro non deſtruat liberum arbitrium, quia eius motum ſequimur, eadem planè libertate, quâ Sancti in cælo Deum amant.

VII. Quod hæc doctrina non eſſet illa, quam ſummi pontifices hæreticam condemnarunt, cum ſufficiat admittere, quod voluntas reſiſtat gratiæ, reſiſtentia quæ nulla alia res eſt, quam obſtulus concupiſcentiæ contra gratiam, etiam tunc, quando de ea glorioſè triumphat.

In quibus certè omnibus nihil aliud docebat Andreas, quam quod jam antè dilectè docuerat Janſenius, cuius ꝑ poſitionem: *interiori gratiæ in ſtatu naturæ lapſæ nunquam reſiſtitur*, damnata, ut hæretica, à ſummis pontificibus Innocentio X. & Alexandro VII, non excludit in ſenſu auctoris, in quo damnata eſt, niſi reſiſtentiam, quæ cooperationem impedit, & non illam reſiſtentiam, qua obnitiſtur concupiſcentia, etiam tunc quando voluntas cedit, & obedit gratiæ. Scimus etiam ejus ꝑ poſitionem: *ad merendum & demerendum in ſtatu naturæ lapſæ non requiritur in homine libertas à neceſſitate, ſed ſufficit libertas à coactione*, damnatam ut hæreticam ab iſdem ſupra pontificibus in quantum ad meritum & demeritum nihil aliud exigit, quam

libertatem similem illi, quâ Sancti in cælo Deum amant absque coactione, sed per necessitatem, ita ut non possint non amare Deum, & resistere motui, quo in Deum feruntur.

Omnes hæc Neo-concionatoris propositiones pro ut ab auditoribus, auritis testibus, exceptæ erant, ita quoque à pluribus eorum in codicillos relatæ sunt. Verum reliquarum primaria, & quam reperiit identidem, quamque omni conatu auditoribus inculcare satagebat, hæc erat: *Quod JESUS CHRISTUS mortuus non sit, & sanguinem suum non fuderit, pro salute omnium hominum sed pro salute dumtaxat prædestinatorum.*

Mirum dictu est, quantum ex his concionibus commotionis turbarumque per totam urbem enatum sit. ii quidem qui se Reformatos dicunt, bonoque numero concionibus illis inter fuerant, plausum dedere oratori, dicentes gratias Deo referendas, quod tandem lux doctrinæ lux Ecclesiæ romanæ illucescere coepisset: cumque oratorio egredierentur, auditi sunt aliqui hæc eadem aliâ voce repetere. Addebant alii, persuasos se ministrum reformatum sibi perorasse illa, nisi pompam pipalem, crucem, lumina, icones, reliquamque romanæ superstitionis supellestem in oratorio conspexissent. Et fuere reformati verbi ministri, qui de hac insperata mutatione publicas è cathedra Deo gratias egerunt. Orthodoxi interea tanquam fulmine icti, ad conciones istas stabant attoniti, mussitantes & quærentes invicem, num dogmata illa, aut quæ illis similia, unquam è veritatis cathedrâ sibi proclamata, recordarentur? Quidam in se non animo dumtaxat, sed & corpore ægri, dolebant se pedem in oratorium intulisse, non deinceps ad illud redituri aut præconem illum audituri. Fuere alii, qui judicabant, se æquè tutâ conscientia, & puri salutis confidentiâ, posse esse Calvinistas quam Catholicos. Quid? qui sua damnavant consilia, quibus olim a Calvinistis, (quod paria illic tunc dogmata offenderent) ad Catholicos transierant, de regressu cogitantes: & redierunt non nulli; alii ad gremium Romanæ Ecclesiæ se recipere, (& ad illum se receperant eo usque plurimi) omiserunt; ut fides romana ex concionibus illis stragem eo tunc loci non levem passa sit.

Hæc, scandalo juncta, quod jam enatum erat, gliscebatque indies, zelum provocarunt & acuerunt missionarii cujusdem in eadem urbe, viri in Theologia probè eruditi, qui ut stare pro avita veritate, impetumque sisteret novi huius præconis, fidem orthodoxam strenuè tutatus est; atque pro merito incensus in recentem novitatem, eam multis

exagita

exagitavit, catholicis ipsi plausum, palmanque facillè deferentibus, ac novo euni amore, novis affectus sui indicibus exindè prosequentibus. Inter alia parallelum edidit propositionum Janſenii, & nominatim quintæ: *Semipelagianum est dicere, Christum pro omnibus omnino hominibus mortuum esse &c.* Damnatæ, ut *falsæ, temerariæ, scandalosæ*: & intellectæ eo sensu, ut Christus pro salute dumtaxat prædestinatorum mortuus sit, ut *impiæ, blasphemæ, consumeliosæ, divinæ personæ derogantiæ & hæreticæ*, cum dogmate Neo-concionatoris in eadem materia, ut ex utrorumque collatione doctrinæ consensio appareret. Et apparuit sanè ex parallelo illo consensio omnimoda, ut novator ille conticiscere coactus sit, suoque ipsius silentio, nihil se inter & Janſenium, damnatamque Janſenii doctrinam, discriminis esse, palam agnoscere, respirantibus tantisper Catholicis, cum viderent confusum facili operâ Novatorem.

At verò novitas ipsa silere non potuit, ac quidem velut ex scintillula enatum incendium. Enim vero exemplum, quo Rotterdami alios præiverat dux intrepidus Andreas Schurius, plures deinde, pluribus in locis, strenuè secuti sunt. Neque civitas erat primum vicinior, remotior deinde, in qua novitas non erumpebat. Amstelodamum, Harlemium, Lugdunum, Delphi, Dordracum, ultrajectum, Amorsturdium, Culenburgum, Viannæ, Montordium, Gauda, nova dogmata relonabant, quæ & in pagos deindè casasque agrestium hominum, pariter cum immani commotione & scandalo, brevi diffundebantur. Et sicubi pastores metu corripenterent, ne novitatis præconio, manifestam apud suos, cum redituum præjudicio, offensionem, odiumque inciderent, persuos subsidarios, seclama idem molientibus, novitatem prædicari satagebant: atque sic una quasi novitatis disseminatio quaquaversum per Hollandiam obtinuit.

Omnes (nomina non recenseo) viam impigre insiltebant, quâ à Schurio jam præitum erat, quamvis rem illam omnes non æquè præfidenter, æque intrepide, æque frequenter peragebant. Tenebant omnes docebantque in substantiâ ac pro loco & tempore inculcabant, quod post lapsum Adæ maximæ parti hominum à Deo negaretur auxilium sufficiens, quo possent converti ac salvari. Immò ridebant auxilium sufficiens, nisi simul efficax, ac istiusmodi auxilium destinatò à Deo infinitis hominibus subtrahi: quod maxima pars hominum evitare nequeat infernum defectu gratiæ, à Deo sibi non datæ, nolente scilicet Deo, ut ab inferno per JESUM CHRISTUM liberarentur, quod

tantundem est, ac cum Janzenio dicere, sanguinem suum à Christo non magis pro ipsorum, quam pro dæmonum salute, profusum esse: peccatum esse inevitabile defectu gratiæ, iis omnibus, qui peccato succumbunt: mandata defectu gratiæ esse impossibilia iis omnibus, qui illa non observant, quantumvis illa observare velint & conentur.

Interea tantum aberat, ut Apostolicus vicarius, Illustrissimus Castoriensis primum, ac deinde Illustrissimus Sebastenus, vel hæc dogmata improbarent, vel, ea profeminandi Libertatem redanguerent, aut inhiherent, ut sibi etiam ostenderent, per eorundem ebuccinatorum promotiones ad stationes magis honorabiles, id esse pergratum. Si quis verò dogmatibus illorum obloqui, stareque pro veteri veritate præsumeret, ad silentium adigebatur, etiam interdicti ac suspensionis comminatione. In hunc modum Illustrissimus Castoriensis processit cum D: Adriano van Wijck, Pastore in Kethel delstrandæ pago, ac Rotterodamo non multum disito. Promiserat ille demonstraturum se ex SS: Litteris æque ac SS: Patribus 1. Quod Deus per suam misericordiam omnibus hominibus de sufficiente auxilio provideat, cui si cooperentur, salvi fieri possunt 2. Quod Deus sincerè velit ex sua parte salutem omnium. 3. Quod **JESUS CHRISTUS** sit mortuus pro omnibus & singulis hominibus & 4. Quod infantes sine baptismo decedentes damnentur quidem ad pœnam damni, sed non ad pœnam sensûs. Facta indilatè ab Illustrissimo Castoriensi comminatoria prohibitio D: Adriano, ne de hisce dogmatibus ad populum verbum faceret. Exstant etiamnum tam huius quam illius litteræ ad invicem transmissæ Anno 1684.

Hic procedendi modus ab Illustrissimo Castoriensi institutus, suum ab eius morte invenit protectorem, & imitorem Illustrissimum Sebastenum, Castoriensis successorem. Hic enim jam ab annis tredecim Arnaldi discipulus patronum præstitit se eorum, ac protectorem streuum, errores Janzenii, quantumvis cum scandalo & offensione plebis catholicæ, aliaque doctrinas novas, atque doctrinæ etiam monstra ac portentia (que mox asseremus) disseminantium.

Plures quam triginta testatores omnes orthodoxi & incolæ pagi Hilversum propè ultrajectum declararunt Anno 1691, solemniter, ac coram Notario jurato, quod eorum Pastor D: Adrianus Smit, continuò, per conciones ac Catecheses, illis inculcarit, quod magnæ dementiæ arguendus sit ille, qui crederet Deum aliter quam decreverat erga nos acturum, tamen si ferventibus precibus à nobis interPELLARETUR. Quod

Licet

licet omnes homines in preces se coram Deo effunderent, nihilo tamen magis eis Deum flectendum, ut vel plus aliquid vel minus nobis immittat, quam iam antè immittere decrevisset. Deo tam esse attribuenda peccata hominum, quam actiones bonas. Hominem nec malè nec benè operari, sed Deum esse, qui in homine bonum operatur & malum. Raptori rapinam imputandam non esse, sed Deo, qui, ut eam committat, instigare. Neque homicidæ eadem imputandam, quam commisit, sed Deo, brachium homicidæ dirigenti. Quod ex duobus hominibus, qui æquè graviter peccârunt, si unus ad Deum se convertat, & alter eâdem adjutus gratiâ non se convertat, non idcirco id fiat, quia hic minus fideliter eâ gratiâ usus sit, vel ille magis fideliter gratiâ sit cooperatus; quin imò contingere eum à Deo rejici, quem videt ad conversionem dispositum, illique negari auxilium & denique derelinqui, ut Deus se convertat ad alium, nolentem se ad Deum convertere. Falsum esse, quod Deus unicuique det gratiam, qui eam sincerè à se postulet, & ex parte sua omnia ea exequitur ac præstat, quæ in potestate sua sunt, ut se Deo gratum faciat. Si Deus unicuique hoc auxilium concederet, famulum eum aut pedisequum hominis fore. Punctum fidei esse, infantes, qui absque baptismo moriuntur, interni igne torqueri, non aliter quam dæmones, quinimò velut dæmones fieri.

Adiciebat ad hæc, aliaque, quæ pro concione vel catechesi exponerat memoratus pastor, teneri auditores suos tantam in his sibi fidem adhibere, quantam Deo, si illud, quod Impero, aiebat, nullam obligationem imponeret, satis tamen est, quod id imperem, ut mortale peccatum constituat in eo, qui non exequitur. Et quicumque, addebat, verbis meis fidem non habent, digni non sunt, qui ex manibus meis sacram Eucharistiam accipiant.

Dogma de JESU CHRISTO, quod publicè docuit, talè erat: falsum esse, quod mortuus sit pro omnibus hominibus, & quod gratiam suam reprobis obtulerit.

Super hisce postremis dogmatibus quidam civis Amorsurdienfis, Cornelius Prius, notabilem conferentiam instituit cum D: Jacobo Catzo decano rurali istius districtus, & cuius erat, dogmatibus invigilare tollendis, quæ scandalum parere nata erant, & hæc pariebant gravissimum. Decanus hic (iisdem nempe imbutus principis) non laudabat Pastorem, eò quod nimis crudè locutus fuisset, eum agnoscens, inquebat, JESUM CHRISTUM mortem obivisse pro omnibus

nibus hominibus, in quantum sanguis eius pretium est infinitum, & quod sufficeret ad Salvandos omnes homines, si omnibus applicaretur.

Verum cum civis ille ex decano quæreretur, an illum non damnaveretur, qui negaret cum Janenio, JESUM CHRISTUM sanguinem suum fudisse pro salute omnium hominum? respondit, quod non satis super eo puncto mentem tuam declarassent pontifices. Addebat, quod Judas, Saul, pluresque alii reprobi, omnino à Deo accepissent gratias, sed gratias dumtaxat transitorias, id est, aptas quidem, quibus aliquanto tempore Deo adhærerent, sed non aptas, quibus salutem consequerentur. Quod si Deus intrinsicè veller, ut salventur omnes homines, impossibile fore, ut vel unus periret, cum nullis divinæ voluntati possit resistere. Atque quod hæc verba: *Deus vult omnes homines salvos fieri*, non designent nisi voluntatem Dei extrinsecam, quæ consistit in signis exterioribus volendi, non autem in intrinseca voluntate, qua quod velit, actu ipso fieri velit. Cum vero civis ille ipsi reponeret, esse eam ipsam propriis terminis doctrinam Calvini, respondit Decanus Catzius, quod omnis doctrina Calvini non esset hæretica: adjecitque, subtiles has esse quæstiones de gratia, quibus enodandis frustra plures hæctenus insudassent. Verè, inquebat Cornelius, Domine decane, hæc dicis: % interea Sacerdotes vestri, dum ad rurales dicunt homines, de subtilibus illis quæstionibus sermones instituunt.

Jam superius observavimus, quam hæc methodus contraria sit praxi orthodoxorum Theologorum, quorum perspicacissimis judiciis vix licuit introire in arcana hæc, ut liberum arbitrium hominis cum Dei præscientia conciliarent, & funesta infortuniorum experientia satis abundè nos docuit, quam difficile sit mysteriorum horum scrutatoribus ab altero præcipiorum sibi cavere vel præsumptionis nimix, vel desperationis. Quid? quod Hollandia ledet sit, in quâ hæterodoxi verbis divi Pauli de prædeterminatione & gratia, liberius abutuntur; adeoque hic manus orthodoxis creetur periculum & tamen manifestissimum est, primo præcipuos è clero sæculari Hollandiæ videri cum reformatæ fidei ministris, jam ab annis duodecim, conspirasse, ut non minus ac illi in concionibus suis, etiam ad agrestes, & in catechesibus suis ad pueros, profundissima hæc mysteria non leviter pertractarent, & quidem tanta inter verba corundem Ecclesiasticorum in ipsis opusculis ab ipsis, hac super materia, typo editis expressi cum

Syno-

Synodi Reformatæ Dordracenæ decisionibus conformitas ac consensus reperitur, (quod constat ex accuratiorè parallelo, quo doctrina utriusque collata est) ut differentia vel tantilla, nisi fortè in mero termino, ostendi nequeat etiam in dogmate decreti divini, quò ad reprobatos; quod tamen ex punctis essentialibus unum est, quo reformatæ fidei ministri se à Catholica Ecclesia segregarunt.

Nullus intrà illud tempus annus elapsus est, quo non aliqui ex secularibus sacerdotibus nomen sibi per ejusmodi conciones parere studuerint. Anno proximè elapso DD: de Bont, & junior van Erkel totum quadragelimæ tempus Delphis insumpserunt, ut è cathedra probarent, quod nec Judas, nec malus latro potestatem habuerint se salvandi, aut gratiam sufficientem, quâ salvari possint: Quod nulla ignorantia legis naturalis, quantumvis ea invincibilis supponatur, facere possit, ut ille damnandus non sit, qui contrà illam legem deliquerit; & ut hanc secundum propositionem stabilirent, hanc, inter alias, rationem adduxerunt, quod in statu, in quo sumus, sufficiat ad peccandum mortaliter, quod habeamus libertatem, per quam peccatum voluntarium & liberum fuit in sua causa, nempe in peccato originali, & voluntate Adami, peccatum committentis,

Atque hæc sunt duæ primæ ex triginta & una propositionibus ab Alexandro VIII. damnatis, per decretum, quod hi Ecclesiastici hactenus publicare noluerunt. Quod magis est, cum ab annis aliquot Do. van Erkel diceretur, posse fieri, ut eius doctrina Romæ censuraretur, absque ulla verborum palliatione respondit, id si fieret, permisurum se potius, omnibus suis ministeriis se privari, quam simili censuræ se submittere. Atque hic nihilominus D: van Erkel ita illustrissimi Sebastien gratiam, affectumque consecutus est, ut præter titulum, quem sibi vindicat, quod sit à secretis prætensi ultrajectensis capituli, præter officium provisoris seminarii unius Hollandicæ missionis Lovanii, iam nuper decanatu Delflandiæ insignitus sit, vel eo saltem fungitur; ut sic veteres & adolescentiores Ecclesiastici constringantur dependere ab eo, qui publicè, ac singulari quidem pertinaciâ, errores Janseii propugnat. DD: de Bont, & Oosterlingh in aliis occasionibus eadem poenè, quâ Erkelius, verborum libertate sunt usi. Hi triumviri docuère præterea, durante quadagesimali tempore, atque etiã mox à paschate anni 1696 cæteros Janseii, ejusdemque assecularum errores, furiosè ac rabidè inveciti in eos, qui contrà sentirent; eo usque progressi, ut hos publicè de cathedra & pelagianos &

semipelagianos & falsos prophetas, & antichristi præcursores, & miserabile semen Judæ &c. appellârunt.

Et cum Româ (ut fertur) per amicos suos admonerentur, rem illis eorum erupisse, & difficile fore, nominatim D. van Erkel, censuræ subducere, caverunt sibi, ne durante quadragesimâ huius anni 1697 quidpiam carpi dignum edicerent. Verum sub finem quadragesimæ, D. van Erkel conatus est in unam concionem ea rursus omnia compilare, & unicâ horâ populo inculcare, quæ anno lapsa per plures conciones prolixius digesserat, uti supra annotavimus, pessima quæque dogmata.

Is ipse D. van Erkel scripto dedit expositionem prædestinationis, in qua fundamentalem hanc regulam ponit, quod prædestinatio sit duplex decretum, scil: quo Deus & ex damnata Adæ progenie certos quosdam eligit, ut eis gloriam conferat, & quo decernit, cæteros omnes in damnatione relinquere, quam per peccatum primævi parentis sui incurrerunt. Hæc verba illius scripto data: *Per prædestinationem gratiam intelligo, quod Deus ex Adæ damnato semine certum numerum hominum elegerit; quodque decreverit alios in sua damnatione relinquere.*

Interrogatus à duabus personis, qui rem, uti acta est, testimonio suo signarunt, an igitur hisce cæteris in damnatione relictis, nulla auxilia suppeditassent, quibus potuissent salvari? respondit hisce terminis, *neminem in inferno esse, qui habuerit sufficiens auxilium, quomodo infernum potuisset evadere.*

In alio congressu, his verbis sensum suum explicuit, quod homo cum gratia, quam habet à Deo, nihil plus boni facere possit, quam facit.

D. Oosterlingh, Erkely collega, minor etiam, quam hic, dogmatum suorum simulator est. Horum nonnulla specimina exhibeo, quas collegit testis fide dignus, pro ut ex eius ore prolata, auribus hausit.

JESUS CHRISTUS nulla ratione mortuus est pro omnibus, sed eius mors sufficiens erat, ut omnes redimeret?

Non est mortuus pro ullo alio, quam illis, qui salvantur.

Si mortuus esset pro omnibus hominibus, omnes homines salvarentur.

Qui non salvantur, auxilium quo salvari possent, non habent.

Prædestinati non possunt rejicere gratiam, qua salvantur.

Alii testes declarant, quod vel similes propositiones, vel iis etiam
pejo-

pejores, audiverint ex ore D: Gerardi Sluiter, sacellani tunc Rotterodami in oratorio dicto Paradisus, anno 1691; quo in oratorio superà narravimus, primas pro Jansenismo conciones fuisse institutas. Scire etiam convenit, quod testimonia de quibus hic loquor, scripto consignata sint, & ex iis aliqua coram Notario jurato deposita, sed omnia sub pollicitatione confirmandi ea juramento, cum hæc præcautio necessaria judicata sit, ob difficultatem, quâ viri autoritate eminentes laborant, ut fidem adhibeant iis rebus, quæ fidem omnem videntur superare.

Anni iam duo elapsi sunt, cum ad eum audaciæ excessum unus ex hisce Ecclesiasticis pro lapsus est, ut veritus non sit publicè invitare Catholicos, urbis in Hollandia præ aliis Catholicorum frequentia inclytæ, ad concionem à se habendam (& quæ actu ipso habita est) in Laudem Jansenii. Fuit ille audax Jansenii Encomiastæ D: Ignatius Walvis, qui vix in oratoriorum uno Hagæ-comitis sacellanum egerat, quin illic fidem se Jansenii sectatorem prodiderit. Satis id fuit Illustrissimo Sebasteno, ut virum illum promoveret. Statim ergo illum in pastorem urbis Gaudanzæ. Hæc urbs est, in quâ ille, dominicis aliquot ante Quadragesimam, promulgarit e cathedra, dominicâ sequenti dicturum se, & de Jansenio (quis nempe quantusque vir ille!) & de Jansenii doctrina, contentâ in libro eius, cui titulus: *Augustinus*, invitans unâ auditores, impigrè comparère dignaretur: & comparuere plures, non ex sua unius, sed & ex communitatibus aliorum. Itaque Jansenium laudaturus, orsus est à pietate ejus ac virtute, quibus ille & non tantum doctrinâ, eximius, ad intus sibi episcopales gradum fecit, quas & Ipris adeptus est. Doctrinam illius multis deinde prædicavit, nihil eorum prætermittens, quibus populo persuaderet, illam, (quidquid tredeant ac ringantur invidi) sanam esse, arque orthodoxam. Librum Jansenii aiebat non alia ex causa impugnatum, nisi ex pura zelotij pia nationis, & gravi sensu Gallorum, quem in Jansenium conceperant, ex alio ejus libro, quem contra Gallos in lucem dederat, cui titulus: *Mars Gallicus*.

Missionarius quidam regularis, nomine Joannes Maille ex ordine S. Francisci, Gaudæ pariter stationem habens, religioni sibi ducebat, hac in occasione conticiscere, ac perulantiam hominis, & Jansenium & doctrinam Jansenii, publico præconio effercendis, rancillum non coercere. Admonitâ ergo à se communitate; ac non minore numero conveniente; & librum Jansenii, & doctrinam in libro contentam

confixam Romæ, atque hæreseos, reperitis vicibus; damnatam esse, non minus strenuè, quam faciliè, comprobabat, allatis in cathedram, ac palam prælectis, (sed vernaculè prius redditis) Bullis superiorum pontificum, in librum Jansenii, doctrinamque illius perpetuè emanatis; tanto id, tamque oprato successu, ut audacem hunc Jansenii declamatorem obmutescere tantisper adegerit, tamen is alias deindè, occasiones, Janenianos errores profeminandi, sibi elabi non permiserit. Declamatio præfata in laudem Jansenii contigit anno. 1695. Estque de eadem in manibus attestatio debitâ forma à quatuor viris, qui inter tuère, consignata.

§ 5.

Libri compositi, & inter vulgares Catholicos divulgati, per Ecclesiasticos Hollandiæ.

Qua ratione & methodo Jansenismum vidimus in Hollandia per conciones divulgatum, eâdem nunc, & fortius disseminatum videbimus per libros. Alii ex his gallicè primum conscripti sunt à famolo Doctore Antonio Arnaldo, ac dein belgicè translati. Alii conscripti à Doctoribus Lovaniensibus, Jansenio additionibus; alii autem, iique plurimi, ab ipsis Ecclesiasticis Hollandis, sed Lovanii, sub magistris Janenianis, Jansenismo imbutis. Libri illi per urbes Hollandiæ pagosque, curâ conatuque multo, circumlati sunt: invitis & reluctantibus obtrusi: nolentibus eos pretio comparare, donodati; eosque ex dono nolentibus, in sinum coniecti.

Liber primus ac præcipuus, & qui cæterorum promptuarium est, titulum præfert magnificum: *Catholica victrix veritas*. Prodivit in lucem sub nomine Caroli de Bont, S: Theol: Licentii in facultate Lovaniensi, censurâ munitus J. De Cuyper, moderni decani metropolitane Mechliniensis, librorum istius generis approbatoris ordinarii. Typi subscribuntur typenses, sed typis Amstelodamenibus excusus est, anno 1684. En tibi ex hoc libro, doctrinæ unum, alterumque specimen.

Fig: 176. 177. *Opinio, quæ docet, quod Deus omnes homines absque exceptione velit salvos facere. & quod illis, visibus voluntatis, communicet omnem gratiam necessariam, ut salutem suam operentur, dormis suis omnium hæreticorum, & omnium eorundem sectatorum, qui gratiam:*

gratiam Christi impugnarunt : qui (hæretici) prædictam opinionem propugnarunt, tanquam fundamentum omnium errorum suorum. Hinc etiam est, quod nemo ex SS. Doctoribus, qui propugnantur necessitatem & virtutem huius gratiæ, contra memoratos hæreticos, eorandemque sectatores, vel unquam opinioni huic inhaerens, sed quod multò magis eam rejecerit, & obominatus sit. Nota : Opinio affirmativa de voluntate Dei generali, quo ad salutem omnium hominum, ac de gratiâ ad salutem necessariâ, omnibus ex ea Dei voluntate, promanante, dogma asseritur ab omnibus hæreticis, gratiam Christi impugnantibus, velut errorem & ab universale fundamentum, receptum, & ab omnibus SS. Doctoribus, gratiam Christi propugnantibus rejectum, & obominationi habitum. Unde sic clauditur suprà dicta periodus : *Ergo hæc opinio ut minus tanquam suspecta de hæresi haberi debet.* Propositiones plurimæ, huic consimiles ac synonymæ, & quibus disertissimè asseritur, Deum non nisi aliquos dumtaxat velle salvos, librum hunc vel à limine salutanti, occurrent ultro. Et pariter res se habet cum propositionibus de morte Christi non pro omnium salute ab eo obitâ.

Pag. 136. *Hæc verba* : non pro mundo rogo, manifestè demonstrant, esse mundum vel homines, pro quibus JESUS CHRISTUS volebat mori : & pro quibus neque sanguinem suum, neque preces patri suo offerebat. Manifestè sic asseritur, Christum non esse mortuum pro omnibus hominibus, nolendo pro eis mori, neque preces pro illis offerendo patri suo. Pag. 134. *Ecquis absque horrore audire potest, quod (JESUS CHRISTUS) pro uno quoque homine in particulari mortuus sit?* atque tunc horrore illi corripuntur præcipuè, quando Christum pro uniuscujusque hominis salute mortuum dici inaudiunt. Doctrina, Janfenianæ haud absimilis, fusè traditur toto libro, compendiose verò à pagina 480, usque ad paginam 485 ; sed clarè ubique ac dilucidè mentem suam præ tympanitis hic pandit auctor. Hinc Melchior Leydeckerus, Calvinista insignis, in universitate ultrajectinâ Professor primarius, in sua de Janfenismo Historia, calentibus etiamnum typis edita, Auctorem hunc, textu non uno ex libro ejus citato, non modicè dilaudat, hoc illum denique condecorans elogio pag. 275. *Hæc Carolus Boninus, quem Laudamus, ut Janfenitam ingenium, præ cæteris, optoquæ patriarchâ meliorem.*

Huic primatio libro compingitur ut plurimum libellus alter eodem simul tempore editus, titulo : *Delineatio generalis*, auctore ficto, Ignatio Eykeboom. Mera censura est, eaque libere ac præfidenter

prolata, in dogmata quælibet opposita; ut sic dogmata asserta in priorẽ libro, à censuratis oppositis, magis confirmentur.

Prodierunt non diu post alii duo libelli vernaculè, ut priores; sed & gallicè ambo deinde redditi sunt, & typis etiam gallicis impressi. Titulus prioris est, *Æquiforme discrimen fidei Catholicæ*. Conspicitur in fronte huius libelli præfati Bontii nomen, quod ad quoslibet factiõis libellos venale tunè offerebat. Plurimum, ac præ aliis per Hollandiam dispersus est, typis tertium repetitis. Titulus alterius, *Defensio Ecclesiæ Romanæ*. Nomen ipsum auctoris in fronte non conspicitur; conspiciuntur tamen in eà hæc duæ Litteræ B. P. velut nominis initialia. Auctores istiusmodi libellorum latèrẽ deinceps maluerunt, ut minus, & invidiam incurrerent Catholicorum & tellis exponerentur adversariorum, minusque, ubi Janсенiana pro Catholicis dividunt, ab Ecclesiâ corripereutur. Et Bontius certè, ob nomen suum præfatis libellis adjectum, apud Catholicos aded incurrir invidiam, ut quidquid promoverẽ illum satergerit deindè Sebastonus; voto suo potiri hæcenus nequiverit. Quid? vel exigua sua statione, cui annos plus minus duodecim præpositus, indecorè ex-lusus est.

Libellus, *Æquiforme discrimen &c. & hæc habet propositiones.*

Pag. 10. *Sensus verborum Apostoli: Deus vult omnes salvos fieri, non est hæc interpretatio Pelagianorum, nullus est homo, quem Deus, quantum est ex se, non velit salvum facere, dans omnibus hominibus, nemine excepto, gratiam sufficientem. Sed hæc Deus salvos facit omnes homines ex omnibus populis, statibus, ætate: & nemo fit salvus, nisi quem Deus salvum facere vult, vel aliquis alius sensus, qui non repugnet huic veritati, Deus totum fecit, quod voluit in celo & in terra; & consequenter, omnes quos Deus salvos facere vult, erunt infallibiliter salvæ: Nota: Opinio pro voluntate Dei generali, quò ad salutem omnium hominum, quæ suprà adscribitur indeterminatè omnibus hæreticis, gratiam Christi impugnantibus, hic determinatè adscribitur Pelagianis, Deo interea, hoc quidem auctore, eos salvos non volente, qui salvæ non sunt.*

Pag. 14. *Deus, nolens omnes homines damnare, eis omnes communerant, sed ex illis ab omni æternitate, per meram suam misericordiam, electo à se magno numero, ex omnibus populis, statibus, ætate, & temporibus, ut eos à peccato ac inferna liberaret, & gratiâ suâ & gloriâ donaret, dedit illis filium suum, qui homo factus & mortuus sanguinem suum pretiojum celesti suo patri obtulit, ut omnes, quos vult salvos facere*

facere, gratiam impetraret, quæ ipsis necessaria erat, ut ad salutem per-tingerent. Superiore testimonio asseritur, omnes, quos Deus salvos facere vult, infallibiliter salvos fore. Hoc testimonio asseritur, Christum mortuum pro illis dumtaxat quos Deus vult salvos facere; addeque & asseritur, Christum mortuum pro illis dumtaxat, qui infallibiliter salvi tuturi sunt.

Libellus: defensio Romanæ Ecclesiæ Pag. 107. Si Deus omnipotens omnes homines, nemine excepto, salvos facere velit, certissimum tunc est, quod JESUS CHRISTUS, etiam pro illis omnibus mortuus sit, nam hoc tam necessario sequitur, quam quod celestissimus pater unicus sit. Quia ergo semipelagianam tanquam Catholicam veritatem tenent, quod Christus pro omnibus hominibus, qui unquam erant, jam sunt & erunt, neminem, præteritis, mortuus sit, nequaquam miror, quod pariter teneant, quod Deus omnipotens ab æterno ita voluerit. Sed cum clare ostendimus, quod illa doctrina, neque S. Pauli sit, neque SS: Patrum, neque S: Ecclesiæ, mihi persuadere non possum, nos teneri credere, quod Deus omnes homines sine exceptione salvos facere velit.

Hi duo libelli delati fuere Romam anno 1693, & propositiones ex illis excerptæ censebantur ab omnibus Theologis, Ecclesiæ prælatis, episcopis, & Cardinalibus, qui eas legebant, tanquam erroneæ, ac damnabiles. Eminentissimus Cardinalis, A, unus ex iis erat, qui eas tales censuerant: promiseratque se sollicitaturum pontificem, ut pronuntiata à S. Officio super hisce libellis sententiâ, iidem vel brevi Apostolico, vel expressa constitutione proscriberentur. Nescitur hactenus quis obex rei huic injectus sit, quamquam non ignoretur, similes libros Qualificatoribus traditos, nonnunquam diuturno tempore in censuratos mansisse, ac prætextus demum quæsiros, ne suum de iis judicium præterrent, rationibus illius, iis solum quibus magis confidebant, indicatis.

Ab anno 1688, plures alii libelli in lucem editi sunt, & per vulgus dissipati, in quibus sparsum Jansenii venenum reperies, quamquam in omnibus illud non æquè potam propinetur. Latet angustia herba. Et quidem libelli illi in omni forma prodire. Ex horum numero est, cui titulus, *Compendium doctrinæ christianæ, quæ ad prædestinationem & gratiam Dei*, in quo errores Jansenii proponuntur in forma Catechismi. Alter, cui titulus, *Considerationes Christianæ*, in quo errores Jansenii proponuntur in forma Meditationum. Ter-

tius, cui titulus, *Instructiões & preces Christiane*, in quo errores illi proponuntur in forma precum. Vix aut ne vix quidem reperire est libellum, annis his proximè elapsis, à factionis partiariis editum, (& eduntur ab illis indies) nãvis Jansenianis non conspersum; atque totum sic, quod pio usui plebi esse possit, aut aliqua ratione ad pietatem referri, bonis mentibus infestum est, plebique minus cautè virus aspirat?

Recenseamus majora. Primores ex clero sæculari in Hollandia non ita dudum curaverunt, & reimprimi vernaculè, & publicè voenum exponi, famosum *Catechismum de gratia*, ab *Innocentio X* bis, annis vid: 1650, & anno 1654, ab *Innocentio XI*. semel, anno nempe 1690; prohibitum ac damnatum, *tanquam plura dogmata, à superioribus pontificibus iam ante confixa, continerem*. Gerardus Sikkens, Ævis tunc ac librarius Gaudanus, vir probè Catholicus, retulit cuidam sacerdoti, testimonium dare parato, quod D. Jacobus Catzius, ed temporis Gaudæ Pastor, ac Zelandiæ provicarius, plura sibi tradiderit *Catechismi illius, flandricè reimpressi exemplaria*, ut ea in officina sua liberè divenderet: addebatque dictus librarius, tactum se scrupulo quòd librum divenderet Romæ damnatum, damnatumque iteratius, adiisse se præfatum Catzius consilii ergo; sed reposuisse illum, scrupulum abjiceret, *Catechismum liberè divenderet*. Atque illum divididit deindè, uti antè, promiscuè omnibus.

At alius quidam libellus est, qui non ita publicè prostat: distribuit tamen inter confidentiores, à quibus & in usum aliorum subindè devenit. Præcipua huius præcautionis ratio hæc videtur, quòd Jansenismus, qui in aliis libellis ænigmate plerumque aliquo involvitur, hic sublata larvâ in publicum prodeat, nulloque pictus tuc, à censurâ ægrius vindicandus foret. Libellus hic in forma epistolæ conscriptus est, datæ ad virum litteratum, sed ficti nominis, Constantinum Constantini, dividitur in quinque partes: *Methodo rationum & argumentorum, in speciem apodicticâ, ea ferè omnia complectitur, quæ dici possunt contra generalem possibilitatem salutis, & universalitatem gratiæ*. Nomen Auctoris, impressum primæ paginæ post titulum & præfationem, alio impresso nomine, *Adriaan van Woelwijk*, scitè obductum, ad lucem legenti ultrò occurrit, *Johan Roos*.

Hic Dominus Johan Roos vir Rotterodamius est, familiæ consularis & primæ notæ. Protestans olim professionis arminianæ, sed cum
tribus

tribus vel quatuor germanis fratribus, solemnī ac operosa conversione, ad gremium reductus romanæ Ecclesiæ. Emenso non infeliciter studiorum curriculo. factus est presbyter, mox pastor Ultrajecti, deinde delphensi begginagio præfectus, decanus Delflandiæ, atque illustrissimis Castoriensi & Selasteno diu à consiliis. Fidem orthodoxam, contra Protestantes variæ professionis, opusculis variis, præclare tutatus est, donec delitescens in begginagio delphensi Arnaldus, viroque huic vicinus & assiduus, astitit ei Janenianam fuliginem, quo tempore & hanc Epistolam, causæ Janenianæ propugnatricem, conscripsit, quæ & à D. de Cuyper, decano Mechliniensis approbatorio calculo donata est, impressa, ut substat titulo, sed fide, Bruxellis apud Petrum de Vriie Anno 1691.

Epistolam totam opereretur exscribere, si totum, quod in ea Janenianum est, exhibendum foret. Specimen ex eâ, sed si quod aliud luculentum, non dabo nisi unum aut alterum. Ita ait pag. 21. *Quod Paulus dicat, Deum esse salvatorem omnium hominum, maxime fidelium (1. Tim. 4. 10) non potest nisi ad eos referri, qui actus salvantur: neque intelligi potest de iis, qui pereunt, nisi verba illa ab apostolo dicta accipiamus ad declarandam quandam salutem temporalem. Cum igitur JESUS CHRISTUS pro omnibus hominibus non obtinuerit salutem, aut necessaria & sufficientia auxilia ad salutem consequendam, hinc deducitur, consequentia invincibilis, & quæ regulis nostræ fidei innititur, quod JESUS CHRISTUS illa promeritus non sit, & quod pater eius cælestis noluerit, ut illa promeretur pro omnibus hominibus sine exceptione. Atque hæc sufficere debent, ad demonstrandum, opinionem S: Augustini & S: Thomæ (rapit illos in sensu sua) in materia prædestinationis, & gratiæ efficaci, meritis declaratam esse sanæ doctrinæ a pluribus summis pontificibus: & papam Alexandrum VII. non absque ratione nuncupasse doctrinam illam inconcusam & tutissimam, hoc est talem, quam nullus posset evertere, & quæ ab heresi est remotissima: talemque, ut verbo absolvam, à qua prudenter nemo recedere posset. Duces ac patroni huius doctrinæ, juxta quam Deus non est salvator omnium hominum, sed illorum dumtaxat, qui re ipsa salvantur: juxta quam & Christus neque salutem. neque auxilia necessaria & sufficientia ad salutem, pro omnibus hominibus, patre eius cælesti id nolente, promeritus est, certè non sunt SS: Augustinus & Thomas, sed Calvinus & Janenius.*

Quid? indiculus partis tertiæ ita habet: *Clarè demonstratur, auxilia*

xilia necessaria & sufficientia ad salutem omnibus hominibus non communicari. Et partis quartæ: Refelluntur argumenta omnia, quæ contra hanc demonstrationem opponuntur. Pag. 11. Noluit cælestis pater, ut filius eius communicaret omnibus hominibus auxilia necessaria ad salutem consequendam. pag. 12. JESUS CHRISTUS ea non est promeritus sua morte. pag. aliâ Novum dogma compellat, quod anno 1580 irripit in Universitatem Lovaniensem, quo docetur, Deum omnibus hominibus absque exceptione dare gratiam sufficientem, per quam se possent salvos facere, ita ut salus dependeat ab eorum voluntate; aitque, se dogma illud refutatum ire, seque illud radicitus evellere conaturum. Cæteris hominibus, hoc quidem auctore, JESUS CHRISTUS ipsam salutem, & non tantum auxilia ad illam sufficientiâ, morte sua promeritus est, ac obtinuit; undè, eodem auctore, hi necessariò salvantur, reliqui necessariò pereunt. Nescio quid sit, religionem à fundamentis evertere, si hoc non sit.

Et profecto quantunivis libri, de quibus hæctenus egimus, perniciosi sint, perniciem non minorem, alio licet modo, Catechismi convellant, numero plurimi, & ex quibus novæ doctrinæ nova principia sensim sine sensu imbibuntur, recentius, nescio ex quibus Galliæ diocæses, in missionem invecit. Plerique ex novis hæc Ecclesiasticis (ubi potuere) proscripserunt ex suis oratoriis Catechismos priores, compositos olim à Doctoribus facultatis Lovaniensis, ab Episcopis diocesis Mechliniensis approbatos, per totam Brabantiam & Hollandiam receptissimos; nempe non illi ad dogmata eorum accomodi.

Receptissimus inter Catechismos priores, uluque præ aliis longiore tritus, Iudes in oculis est. Orditur hic à sequentibus interrogationibus, & responsionibus.

1a. Interrog: *In quem finem homo creatus est?* Respons: *ut Deum Cognoscat, amet, ei que deserviat in hac vita, eoque amodò fruatur in altera vita.*

2a. Interrog: *Aliquis ne creatus est ad damnationem?* Respons: *Nequaquam. Sed Deus vult, ut omnes homines salvi fiant.*

3a. Interrog: *Quomodo ergo est, quod plures non fiant salvi?* Respons: *quia gratiam Dei, quæ illis omni tempore parata est, recipiunt in vanum vel abijciunt.*

Ratio præcipua, ob quam priores Episcopi, parochique huius patriæ, Catechismum inter nostros Catholicos communiorem, au-picati sunt, à quæstionibus, Deum benignum in omnes, omniumque, præ-

præparatâ eis illum in finem gratiâ, salutem velle, prædicantibus; hæc meritò habetur, ut sic occurreretur ante omnia Gummaro Calvinistarum, aut, (si mavis) Calvini duro diroque dogmati, quo Deus aliquos homines, ac plurimos quidem, ad mortem ac damnationem æternam, suo solius arbitratu, prædestinasse asseritur. Ipsi Calvinistæ, dogmate illo ducis sui domi offensi, ad conversionem, fidemque in Ecclesia Catholica profutendam, maturiores erant; hinc visum, in ipso ad fidem vestibulo, Idæam planè aliam de Deo benignissimo plebi proponere, atque ad eò in ipso rudimenti fidei principio, omnibus inculcare, neminem unum à Deo, omnium creator, creatum esse ad damnationem, omnes creatos esse ad salutem, gratiæ neglectui adscribendum esse, si qui non salventur. Et sanè ex conversorum ad fidem Catholicam, (quod duritiæ horroreque prædicti dogmatis domi terri) ingenti tunc numero, abundè constitit, priores Episcopos parochosque, fidei tradendæ rudimenta, à memoratis quæstionibus prudenter inchoasse.

Illusterrimus Sebastenus cum suis secus censuerunt; Catechismum illum receptissimum, ex oratoriis, in quibus plebs Catholica minus obstrit, proscripterunt, alio ejusdem loco substituto, ita ordiente.

1.^a Interrog: *In quem finem creavit Deus hominem?* Respons: *ut ipsum in omnem æternitatem salvum faciat.*

2.^a Interrog: *In quo consistit salus hominis?* Respons: *in possidendo Deo.*

3.^a Interrog: *Quare hoc?* Respons: *quia, quando Deum possidet, possidet totum, quod posset exoptare.*

Neque unus hic Catechismus novus est, ex quo rescetæ quæstiones illæ *aliquis ne creatus est ad damnationem?* & *Quomodo ergo est, quod plures non fiant salvi?* in nullis recentioribus hæc vel similes quæstiones proponuntur; nempe recentioribus illorum dogmatibus, juxta quæ *Deus non vult omnes salvos:* & *Christus non pro salute omnium mortuus*, non tantum non accomodat, sed advertæ sunt.

Intercà, quod jam experientiâ diuturniore testatissimum est, Lugentque probi omnes, ab inductis inter Catholicos istis dogmatibus, reductiones hæterodoxorum ad fidem Catholicam, eò utque frequentiores, non tantum non penitus cessavere, sed etiam plures ex pridem reductis, (idem jam apud Catholicos, in ipsi eorum Catechismis, quod prius apud suos, reperiunt) sese non magis jam in romanâ, quam in Calvinianâ Communitate, tutos arbitrati, ad illam regressi sunt.

Et certè, præterquam, quod per dogmata illa zelus tollatur omnis in viris Apostolicis, quod minus pro sectariorum reductionibus vel anxii sint aut solliciti, (peruasi neminem, ex perituris alioquin, curâ sua ac labore saluum iri,) non superest quod prudenter respondeatur, vel ex sectâ ad fidem Catholicam transire tergiverfantibus, vel ex fide Catholica ad sectas redire meditantibus, si, (quod apud illos obuium est) ita ratiocinentur: Si ex illis sumus, quos Deus saluos vult, & pro quorum salute Christus mortuus est, certò saluabimur, damnandi certò, si ex illis non sumus. Et quidem voluntas illa a Deo posita est vel non posita, antecederet ad quamlibet fidem quam deinde professuri sumus; non e-gò est, quod nos tutos magis in hac, quam in illa professione reamur: nanc vel adhibemus, vel ad illam redibimus, ad quam nostra nos, vel prolium nostratum, fortuna vocet, aut vitæ commoditas.

Ne ergò mirère, quod cordariores & probiores Catholici, novis hisce Catechismis non leviter dumtaxat obmurmurârint, sed & fortiore modo eis obstiterint, obrestantes, non missuros se vel unquam ad instructionem infantes suos, nisi ea juxta veteres Catechismos perageretur: & parentibus in hoc nonnihil subindè indulgentioribus, pueri ipsi instructionem adire noluerunt. Hinc quoque effectum est, ut nonnulli ex recentioribus hisce Ecclesiasticis temporari cedere coacti, veteres Catechismos, novis nunc tantisper sepositis, resumpserint: alius verò consilium fuit, veteres simulac novos exponere, ut hac ratione ætas tenella suavius ad novos inducatur, sensimque doctrinæ assuecat, vel minus eam abhorreat, quæ in novis eis proponitur.

Priusquam huic de libris articulo manum subducam, ignorare non oportebit, novos hosce Ecclesiasticos non permittere dumtaxat, etiam rudibus ac plebeis hominibus, promiscuam S: scripturæ lectionem, sed & palam nonnunquam edicunt.

I. Omni homini, cum ad usum rationis pervenerit, jus esse, atque etiam eundem obligari, ut legat S: scripturam.

II. Hollandiam, cum sit libera respublica: non esse subjectam legibus contrâ illam lectionem Latis.

III. Etiam si legibus illis subjecta esset, Illustrissimum Vicarium Apostolicum in iis dispensasse, & generalem facultatem concessisse legendi SS: codices.

IV. Peccatum mortale esse, ad sacram Eucharistiam accedere, nisi quis longa lectione S: scripturæ, se ad eam præparât.

V. Si

V. Si qui ipsi legere nequeant, famulos vel famulas conducendos, à quibus prælegatur.

Injungunt peccata confitentibus, loco salutaris poenitentiae, ut vel certa Scripturae capita lætent, vel certo tempore Scripturae lectioni vacent.

Jis, qui gallicè norunt, commendant super omnia novum Testamentum montense, à Clemente IX prohibitum sub poenae excommunicationis ipso facto incurrendae, ac damnatum singulari constitutione, in qua declarat pontifex, translationem illam temerariam esse *damnosam, à vulgata editione difformem, & offensus simplicium continentem*. Quis credat, nisi re ipsa convincatur? En, novae istius testamenti versio flandrica in lucem data est, ad usum vulgarium hominum, in forma portatu commoda, caractere nitido, in duas partes divisa, approbata à duobus censoribus, adjid specialiter depuratis, Paulo Roskam, Embricensium monialium praefecto, & Hugone Gael, Schiedlandiae Archipresbytero, impressa Embricae, apud Florentium Abbatma anno proximo lapsa 1696. Auctor novae illius versionis Flandricae ex Gallica montensi, est D: Egidius de Witte, alias candidus, non ita dudum Mechliniae plebanus, sed Janseuismi causâ totâ Brabantia exulans, ac in Hollandia ab Illustrissimo Sebasteno carè habitus. Falsus ille nuperrimè celebri Hugenii librario Adriano Moetjens, apud quem nova illa versio publicè dividitur, se ubique, quam potuit accuratius, secutum gallicam versionem montensem.

Quod autem spectat ad Testamentum vetus, cum hujus versiones catholicae rariores sunt in idiomate flandrico, reperti sunt, qui nullam se esse difficultatem permittendi lectionem Testamenti veteris, in idioma vernaculum à Calvinistis traducti, dicentes melius esse, sacros codices sic legere, quam omnino ab eorundem lectione abstinere: quæ res legitimo testimonio confirmata est.

At si quem propè omnem excedit, quod anno 1690, librum divulgârit, cui hic est titulus: *Breves ac necessariae instructiones pro omnibus Catholicis Belgii; circa lectionem S: Scripturae*, in quo pilam insurgunt in Ecclesiam, eamque tanquam crudelem & tyrannicam tradu-

discrimine permittantur, plus inde, ob hominum temeritatem, detrimenti quam utilitatis oriri; hac in parte iudicio Episcopi, aut Inquisitoris stetur, ut cum consilio parochi vel confessoris Bibliorum à Catholicis auctoribus versorum lectionem in lingua vulgari eis concedere possint, quos intellexerint ex huiusmodi lectione non damnum, sed fidei atque pietatis augmentum capere posse, quam facultatem in scriptis habeant. Qui autem absque facultate ea legere, seu habere præsumpserit, nisi prius Bibliis Ordinario redditis, peccatorem absolutionem precipere non possit.

Sed quid contra hanc regulam, (prudentissimam æquè ac venerandam, & quæ per plures deindè pontifices, atque etiam per Innocentium XII, qui modò, tanto orbis Christiani bono, Ecclesiæ præfider, renovata est) opponat dictus Liber? Sanè horret mens Catholica commemorare.

Pag. 21. ait: *Non est in potestate Ecclesiæ prohibere, etiam rudi & imperitiæ plebi, lectionem bibliorum. Et Ecclesia, qua similem prohibitionem attentaret, non foret amplius vera Ecclesia, sed congregatio Satanae.*

Pag. 22. *Episcopus qui adimeret fidelibus libertatem, quam acceperunt à Deo ipso, & in cuius possessione sunt à tot sæculis, legendi SS: Biblia, non esset Pater & Pastor, sed verus tyrannus.*

Pag. 23. *Episcopi carent potestate prohibendi plebi Christianæ Lectionem S: Scripturæ in lingua vernacula.*

Pag. 24. *Esse quidem modò in Belgio quosdam tales episcopos, sed satis constare, quod fuerint à tempore Apostolorum seductores & docentes per versa: atque ex Episcopis non paucos fuisse hæreticos.*

Pag. 28. *Esse hæresim, docere quod non sit laudabile ac utile legere promiscuè S: Scripturam.*

Et certè Auctor libelli, quasi justificans se de excessu, quo in regulam quartam Indicis; sive in doctrinam, quæ prohibet promiscuam lectionem S: Scripturæ, invehebatur, reipia excessum magis confirmat, doctrinam illam, hæresim non tam appellando, quam supponendo; dicit enim.

Pag. 17. *Necessarium fuisse, ut ita loqueretur. (Nota) ad reprimendam hæresim, quæ hoc tempore in Ecclesia maxime invalescit.*

D: Carolus de Bont tractat aliquantò mitius prohibitionem Ecclesiæ de promiscua lectione S: Scripturæ. Enimverò illam *somnium* appellat, à quo, ait, fideles incipiunt expergeri. Ita ille in libello suo, *Æquiforme discrimen &c.* Sub init

Plures alii successivè prodierunt libelli, quibus & suadetur, & promoveatur promiscua lectio S: Scripturæ. Hos inter hic, ut alios præteream, cui titulus: *Verbum Dei defensum*, editus Anno 1685. Auctor illius, (ut constans fama tulit) Illustrissimus Castoricensis. Tenditur in libello isto non ipsum verbum Dei, sed libertas illud promiscuè legendi, ita per totum, ac præcipuè Cap. IV. ubi Regula quarta Indicis, quæ est sedis Apostolicæ, dicitur quorundam Cardinalium, ac modò antiquata. Et ille, cui titulus: *Libertas propugnata*. 1. & 2. pars, editus Anno 1687. Auctor D: Andreas vander Schuer.

§. 5.

Præxæ variæ observatæ ab Ecclesiasticis in Hollandia.

Non affirmo præxæ omnes, ab omnibus universim observatas: ac observari etiamnum omnes; sed observatas has ab illis, illas ab his, & quasdam in alias, nihilomeliores, commutatas.

I. Plures sunt Ecclesiastici in Hollandia, qui confessiones Sacramentales, factas sacerdotibus religiosi, etiam curam animarum habentibus, & pastorales functiones obeuntibus, censent invalidas, vel ob indulgentiorem conniventiam, vel ob non adhibitum requisitum rigorem. Hac de causa exigunt, ut qui se accedunt confessionis gratiâ, exomologesim instituunt de peccatis totius vitæ, tametsi confessionem generalem instituerint tempore jubilæi.

II. Interrogationes, quas poenitentibus proponunt, examinandarum conscientiarum ergò, importunæ non raro, imprudentes, indiscretæ, periculosæ, inverecondæ, præsertim in materia carnis. Multi narrarunt, & tabulis testati sunt, qui ipsi subjerunt examen.

III. Statuunt pro fundamentali regula, quod confessarius possit uti scientia in confessione acquisita, in præjudicium poenitentis. E. G. Si iudicat confessarius ex peccatis, quæ penitens in Sacramento deposuit, officium quopiam ei noxium fore, aut illum ad officium illud non fore aptum, aut illud in aliorum præjudicium cessarum,

contraxisse judicent, cum tamen ad eam admittant, ditiores, licet laborent hi, peccandi consuetudine in materia graviore.

V. Secundum litteram in praxim deducunt, tamen non respectu ad omnes, id quod docet Arnaldus in suo, de Frequenti communi-
one, libro: *quod is, qui necdum habent amorem Dei purissimum, & omnis commixtionis expertem arceri debeant à S: Communione*, quan-
tumvis hanc doctrinam Alexander Vill. confixerit.

VI. Negant aliquandò abolutionem, rationem illius nullam red-
dentes: vel dicunt simpliciter, *Contritio tua satis perfecta non est*, re-
quirentes ad perfectionem illam, ut non sit ex motivo aliquo infe-
riori, sed merè ex amore Dei. Quod si dimissus sine abolutione post
octo vel plures dies ad confessionem redeat, eodem cum responso ex-
cipiunt ac dimittunt. Sunt qui decies & pluries sic dimissi sunt, ho-
mines etiam magis probi & pientiores.

VII. Pro peccatis, etiam levioribus imponunt poenitentias gravior-
es, pro occulitis nonnunquam publicas: alii sub gravi & intolerabili
poenitentiarum pondere gemunt: alii earundem gravitate deterriti,
rarius quam consueverant, ad sacrum poenitentiae tribunal & sacram
synaxim accedunt; unde & in eorum oratoris confessiones & commu-
niones rariores sunt, in quibusdam rarissimæ.

VIII. In eorum communitatibus reperiuntur aliquandò adolescen-
tes & puellæ viginti & plurium annorum, qui à divino epulo arcen-
tur. At culpam quidem rejiciunt in eorum imperitiâ, cum culpa
sit defectus instructionis. Totus eorum zelus in illud fertur, quod
plures à communionem arceantur.

IX. Contrà eos, qui aliam praxim sequuntur, continuò è cathe-
dra declamant, traducuntque illos ut seductores, animarum inter-
fectores, proditores, similes judæ, imò eo peiores. Tales nomi-
natim auditi sunt Delphis, insolentissime in missionarios, quibus pra-
xim doctrinæ suæ oppositam attribuunt, debacchantes, cum scandalo
totius civitatis. Acta illa testimonio legitimo plurium quam decem
personarum, quæ ipsæmet ista omnia auribus exceperunt, confir-
mantur.

X. Plures ex hisce Dominis, præsertim, Rotterodami, Delphis,
Hagæcomitis, ac in urbium illarum viciniis, administrant Sacramen-
ta, baptismum, extremam unctionem, matrimonium &c. Idiomate
vernaculo, nihili ducentes anathema a S: Concilio tridentino ses: 7.
Can: 13. vibratum in eos, *qui liberum dicunt receptos & approbatos*
Eccle-

Ecclesiæ Catholicæ ritus, (an non inter illos ipsum ab Ecclesiâ præscriptum idioma?) in *solemni Sacramentorum administratione* ad hæc consuetos omitti, aut in novos alios, per quemcunque *Ecclesiæ* præscriptam posse. Sunt, qui formam Sacramentorum ad eandem materiam utroque idiomate, latino & flandrico, pronuntiant, nihil sacrilegii, formâ semel invalidè pronuntiâtâ, submetuentes.

XI. In concionibus ac libellis, etiam inter hæterodoxos distributis, carpunt vehementer sumptuosa altarium ornamenta, ac sacrorum valorum splendorem; quasi indignum sit, quod templorum, altariumque ornatui impendatur, quod in usus ac necessitates pauperum expendi posset. Templorum altariumque ornatum magnificentum vocant *luxum* seu *pompam Brabantinam*. Quid? iudam imitati, obmurmurant: *Ut quid perditis hæc? potuit enim unguentum istud vendari multo, & dari pauperibus*. Excessit in hoc præ aliis D. J. C. van Erckel, in Epistolis typo excusis, editisque a se sub nomine Joannis Henrici anno 1689. &c.

XII. Plurimi ex illis parum rectè sentiunt de Indulgentiis, concessis ab ipsa sede Apostolica; ac præsertim de iis, quæ animabus purgatorii applicantur per modum suffragii. Undè præcipui eorum vel omnino non publicarunt, vel non nisi frigidissimè publicarunt indulgentias illas universales, quas animabus purgantibus, per modum suffragii applicandas, concesserat Alexander VIII, anno 1690. Indulgentias quod attinet in communionem generali, Oratorii Patrum Soc. affixas, animabus per modum suffragii applicabiles, eas minus quàm alias ferre possunt; pietate quantumvis singulari, & quacunque SS: Communionum frequentia, in eas ferantur fideles, hi obloquuntur illis, cum in privatis colloquiis, tum in publicis de cathedra concionibus; eas aliis indulgentiis a se impensè publicatis, vel exstinguere vel saltem aliquantum divertere satagunt.

XIII. Quò ad sanctos; præferunt nonnulli, quod punctum fidei aut credendi obligatio non sit, illos audire preces, quas nos fundimus. Et huic quidem doctrinæ præfuit Illustrissimus Castoriensis in quodam suo volumine, dicto: *Tractatus de Sanctis*, & præcipuè beatissimæ virginis cultu; nam s: illius XII, hunc præfigit titulum: *Votum. ora pro nobis, non exigit, ut sanctus, quæritur exprimis, illud*

sunt in salutatione angelica salutare linguâ suâ; *Gebenedijt zijt ghy boven alle vrouwen. Benedicta tu super omnes mulieres*, gratiam singularem uni super omnes Deiparæ concessam, quæ est immaculata ejus conceptio, quotidiano præconito enuntiantes. Sueti sumus ab omni tempore in symbolo Apostolico *Handricè* dicere eundem in finem. *Geboren uit de reyne Maegd Maria. Natus ex pura virgine Maria.* Illi immaculatæ virginis conceptioni obliquè adversantes, in salutatione angelica *Handrica*, sublatisvocalis *boven alle*, dicunt: *Benedicta tu inter mulieres*, & in symbolo *Handrico* sublita vocalâ *reyn*: *Natus ex virgine Maria.* Quin & propugnata in *Hollandia* à Neo Ecclesiasticis Salutatio angelica, quæ *Mechliniæ* prolebat, relictis his verbis: *Santa Maria, mater Dei, ora pro nobis peccatori us, nunc & in hora mortis nostræ Amen.* Damната est pro tertia vice famosus Catechismus de gratia anno 1690. & propugnatur ab Ecclesiasticis *Hollandiæ* in libello ipsorum, *Brevis at solida demonstratio, quod in Hollandia scilicet non sit Jansenistarum* pag: 97.

XV. Prohibent matrimonium inire eodem die, quo inituri illud, confessi sunt, & Synaxim receperunt, suamque, illud inire volentibus, assistentiam negant, ne tria, ut aiunt, sacramenta uno die recipiantur.

XVI. In lignius loquuntur de purgatorio, de sanctorum reliquiis & iconibus, de rosariis, scapularibus, chordulis, ulnque id genus pietatis symbolis, atque etiam de pils confraternitatibus à sede Apostolica approbatis, de peregrinationibus ad pia loca &c. Infinitis sim, & novitates recenscam omnes, ad eò illarum multæ sunt.

§. 6.


Turbæ, ac commotiones variis in locis mortuæ.

Compendio hoc dici possit, *Hollandiam* universam *Jansenianis* novitatibus, quâ doctrinam quâ moribus spectantibus, non leviter commotam fuisse; præcipue verò motus exorti sunt in illa *Hollandiæ* parte, in qua finolus D: *Antonius Arnauldus* sedem fixerat: motus in turbas eruperunt: turbæ in tumultus, ac subinde graviore. Tabulas ac testimonia lesuper undequaque comparare, turbas novas ac tumultus concitare foret. Motus ejusmodi exorti nominatim *Rotterdam* D: *Andrea van der Schuur* ante alios *Janseniana Jogen* hoc loci ebuc cinante

cinante. Hollandiæ universæ motus innotuerunt, qui exorti in Hilver-
 panno, Pastore D. Adriano Smit. Res quoque nota est de Vlaeringa,
 Pastore Carolo de Bont. Gorcomio, Pastore D. Balthazare van We-
 vellinghoven. Dordracō, Pastore D. N. van Gessel. Gauda, Pastore
 D. Ignatio Walvis. Cuylenburgo ac Viannis, Pastore D. Andrea Schu-
 rio. Nieuwoop, Pastore D. N. Schuirmans. Delphis, Pastore D. J. C.
 van Erkel. Zeevenhovæ, Pastoribus designatis ab Illustrissimo Se-
 basteno, primum N. van Heyningen, deinde Carolo de Bont. At-
 que ut verbo rem absolvam: motus exorti sunt per Hollandiam,
 quotiescunque ferè stationibus novi admoventi Pastores, de novitati-
 bus vel noti, vel suspecti. Nec facile sedati illi, nisi Neo-pastores
 sub vestitu ovinx pellis lupum tantisper tegerent, abstinere tunc à novi-
 tatibus, donec assignato pastoratui secure insiderent. Pluries coactus
 fuit Illustrissimus Sebastenus Neo pastores ex assignatis pastoratibus
 revocare, seu qui invidiæ, sporum impares: ultimūque tunc non se-
 mel remedium fuit, pastorem assignare, plebi concitæ ac tumultuanti,
 qui Romæ Theologiā imbutus est, quales, sed præ aliis paucissimi, ac
 Sebasteno minus grati, in missionem modo advenerunt. Qui Colo-
 niæ, aut Monasterii-westphaliæ, vicinis Catholicisque universitati-
 bus, cursu etiam omnino absoluto, imbuti sunt, atque a professoribus
 commendati, missioni vix admoventur, nisi novum Lovanii colorem
 bibant; unde solis pœnè Lovanii imbūtis Theologis, dogmata Janse-
 niana sapientibus, missio tantum non universa, repleta est.

Quid superest nobis miseris Hollandis, qui ea jactamur tempesta-
 te, in quæ naufragio agitur salutis æternæ, nisi ut, delatis ad secum
 Apostolicam querelis, supremi navarchi vicarium inclamemus, sanctis-
 simum pontificem, rogantes: *Domine, salva nos, perimus*; spe pleni,
 fide, ut, si ventis tandem dignetur imperare & mari, tutura sit tranquil-
 litas magna, & tempestatum.

F I N I S.



E Go infrascriptus attestor, quod ea, quæ in
hoc brevi Memoriali ex flandrico idiomate,
translata sunt in latinum, fideliter translata sint.

Actum Hagæ 7 Novemb: 1697.

CHRISTIANUS BLEES.

Sacellan: Regius. S. T. L.

Proton: Aplicus M. P.